

# NewspaperSG

## Persisi sasar dua pingat emas

Berita Harian, 15 August 2013, Page 15

 Article is not available on microfilm

Printer-Friendly Page

# Persisi sasar dua pingat emas

**PENCAK SILAT TERBUKA VIETNAM ▶ YUSOFF A. RAHMAN**

**SASARANNYA** ialah dua pingat emas.

Itulah matlamat Persekutuan Silat Singapura (Persisi) ke atas dua pesilatnya yang menyertai Pencak Silat Terbuka Vietnam dari hari ini hingga Sabtu.

“Kami berharap kedua-dua pesilat negara, Shakir Juanda dan Iqbal Abdul Rahman akan memenangi pingat emas dalam acara masing-masing,” kata ketua pegawai eksekutif Persisi, Sheik Alau’ddin Yacoob.

Juara dunia, Shakir, akan bertanding dalam Kelas J sementara Iqbal menyertai acara seni dalam tunggal putera.

Ditanya kenapa Persisi meletakkan harapan tinggi ke atas kedua-dua pesilat ini, Sheik berkata kedua-duanya telah sedia menjalani latihan tambahan berbanding para pesilat lain.

yusoff@sph.com.sg

“Dengan latihan tambahan, kami yakin kedua-duanya telah membuat persiapan yang lebih baik untuk menghadapi kejohanan di Vietnam nanti,” ujar Sheik.

Kecuali Ahad, para pesilat ini telah mengadakan latihan pada setiap hari.

“Selain kedua-dua pesilat itu, tiga pesilat seni yang membentuk acara regu juga turut mengikuti latihan tambahan.

“Malangnya, kami tidak dapat menyertakan mereka kecuali Iqbal kerana acara regu tidak dipertandingkan dalam kejohanan ini,” Sheik memberitahu.

Tiga pesilat yang membentuk acara regu ialah Ahmad Kafee Azman, Khairul Ariffin Sulong dan Iqbal.

Menurutnya, beliau tidak tahu bilangan negara yang mengambil bahagian tetapi jangka persaingan dalam kejohanan ini tetap


sengit seperti pra-Sukan SEA di Myanmar baru-baru ini.

Sheik kemudian menarik perhatian bahawa Persisi tidak mempunyai peruntukan untuk mengirim dua pesilat ini tetapi mendapatkan sumber kewangan daripada saluran lain untuk membiayai perbelanjaan dua pesilat dan seorang jurulatih, Hasizuddin A. Razak ke Vietnam.

Sementara itu, Iqbal yakin peluangnya untuk memungut pingat emas tetap ada sekalipun tugas itu sungguh mencabar.

“Dengan latihan selama dua bulan termasuk Ramadan sebanyak dua kali sehari, saya yakin peluang saya adalah baik,” katanya yang berlatih lebih daripada empat jam pada setiap latihan.

Iqbal pernah memungut pingat gangsa dalam Kejohanan Sedunia di Thailand pada tahun lalu.



**GAYA JUARA:** Iqbal A.Rahman (*kiri*) dan Shakir Juanda mempunyai potensi menjadi juara selepas mengikuti latihan tambahan dibawah perhatian Sheik Alau'ddin Yacoob. – Foto Persisi.

. – Foto Persisi.